

اعتصام

۲۴ ربیع الاول سنه ۱۳۳۸

۱۸ ثانویہ اول سنه ۱۳۳۵

{ منافع عامیہ خادیم، مجموعہ اساتذہ و مدرسین }

احمد شیرانی

معلم فیضی

طاہر المولوی

محمد عالم

علی رضا

محمد باقی

خرنوط تلغرافی

عناصر حیاتیہ دولتدن معارف

بخارادہ علم وعلما

گویاو دین قرده شلمز نہ حالده

وبا و طاعون

مدارس احیا اولونمادی، احیا اولوندی

محل اداره : قاج — اعتصام

فیثان (۵) غروشد

۱۳۳۴

کویلو دین قرده شلرمز نه جالده ؟ !

شومبارك و طنك ، شو مقدس طوپراغك نوز اولادی اولان خلقك و بالخاصه کویلولرمزك احوال و احتیاجانندن بحث ایدن کیمسه کویلیور . کرچه محترم « اعتصام » ك صوك نسیخه لرنده بو مهم دردلرمز ، بو بویوك ایشلرمز بر آز قورجالانیر کی اولدی ایسه ده بو قادار حق کافی دکلدر . بوکون کویلونك ایشندن ، کوچندن ، حالندن ، احتیاجندن دور و دراز بحث ایتمك بوتون مطلوباتك و خصوصیه (اعتصام) کی اسلامیتك و مسلماننرك فوائد و منافعه چالیشان بر مجموعه اسلامیه نك یكانه وظیفه سیدر ظن ایدرم . چونكه بو ملکته اکثریت قاضی تشکیل ایدن ، ویرکو و یاره ویرن ، تأمین واردات ایله ین ، ملی و حکومتی حق طیور و وحوشی دویوران و بناءً علیه ملکتهك صاحب حقیقی کویلولردر . بونكه برابر علم و معارفه ، حمایه و وصایه ، تنویر و ارشاده لك زیاده محتاج اولان ینه زوالی کویلیلردر .

بوکون بیچاره کویلولرمزك اوقادار حقوق دردلی ، اوقادار مهم ایشلری وارکه هربری آری آری تشریح و تفصیل ایدیله جك اولورسه جلدلره کتابلره فورمه لره رساله لر تشکیل ایدر .

ایشته بو فقیر بر تقصیرده استطلاعات و استشهاداتم نسبتنده ازهر جهت محتاج تعاون و تصاحب اولان شو اسلام بیچارگانی حقنده - ولو ناچیزانه اولسه ده - بر قاچ سوز سوبله مك ایستهرم .

حال حاضرده کویلیلری یاقوب قاووران ، موجودیت دینی و ملیه لری آن بآن کیرهن امراض و عللدن بری ؛ و همده لك بویوك و لك مهمی ؛ باقسزاق یوزندن معروض قالدقلى « جهالت دینه » در .

فی الحقیقه بویله در . چونكه بوکون هیچ بر کویلو لایقیله دینی ، دنیاسی ، اعتقادی و عملی ، اصلی و فرعی احکام دینی و اسلامیه سفی بیلمه یور . هانکی

کویه ، هانگی چغتاسکه کیتسه کنر مطلقا سمناک و اولدیر ییجی بر «جهالت» قوقوسی ایله قارشیلانیرسکنر !

هیچ شبهه یوقکه ، بوندن متولد مضرت ، بوندن دترتب مسئولیت دوعریدن دوعری یه کیسوه بیضای علمیه یی طاشیانلره و «مرشد» لک و ققمنده بولنانلره طأددر . چونکه اونلر وظائف موروثه سن حقیقه ایفا ایتمش و کویلو دینداشلر منی دائما تنویر و ارشاد ایلمش اولسه یدیلر شبهه سزکه بونلرده بویله « قره جاهل » قالمالار و مملکت ده بو کونگی حال پریشانیسنی اکتساب ایلزدی .

باری بوندانصرکه اولسون انظار پند و نصیحت منی اونلره دوعری عطف و تحویل ایدرسکه بلسکه آتی ایچون بر عمل خیر ایشله مش اولورز . . معلوم آ !

تجارنده اولدینی کبی سیاستده ده ، دیاننده ده ؛

« ضررک نره سندن دونولسه گاردرد . »

بناءً علیه فکر قاصرانه مه کوره دار الحکمة الاسلامیه و « تعالیٰ اسلام » جمعیتلری الکیه زیاده کویلیلرک اصلاح و ارشادینه غیرت ایتملی و مشیخت جلیله اسلامیه ده هرشیدن اول مقتدر وعصر حاضره اویغون « کوی اماماری » یتشدرمه چالیشمه لیدر . یوقسه عاقبت من ؛ « انالله وانا الیه راجعون » الفاتحه !!

بوکون آنادولیده کی مسلمان کویلرینک قسم اعظمی ثولولرینک ، دیریلرینک نمازلرینی قیلدیراچق و جنازه لرینی غسل و تکفین ، دفن و تلقین ایله یه چک اماملاردن ، خواجهلردن محروم و قسم دیکری ده کوچ حال ایله کندیلرینسه برر امام بوله بیلمش ایشه لرده اونلرده کویلی یی تعلیم و ارشاد ایده چک ، دین و دنیا لرینی اوکرده چک قابلیت و اقتداره مالک دکل !!

دیدم آ ! زوالی کویلیلر من هرشیدن ، هر نوردن محروم ، مکتب یوق ، مدرسه یوق ، فن یوق ، علم یوق ، امام یوق ، معلم یوق ، مرشد یوق ، رهبر یوق ، الحاصل یوق . یوق ، یوق ، یوق . . .

بو قدار یوقدن نه چیقار فکر ایدلم بر کره ؟

بروسه : محمد عالم